

Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaat

§ 1. Imigassat ethanolimik akullit nunami maani sananeqartut akitsuutaat inatsimmi matumani maleruagassat naapertorlugit, imatullu annertutigisut akilerneqartassapput:

1)	2,25-3,09 volumenpct. literimut	3 kr. 19 øre.
2)	3,10-4,09 volumenpct. literimut	6 kr. 95 øre.
3)	4,10-5,09 volumenpct. literimut	18 kr. 45 øre.
4)	5,10-7,09 volumenpct. literimut	25 kr. 84 øre.
5)	7,10-9,09 volumenpct. literimut	37 kr. 04 øre.
6)	9,10-11,09 volumenpct. literimut	47 kr. 00 øre.
7)	11,10-13,09 volumenpct. literimut	54 kr. 00 øre.
8)	13,10-15,09 volumenpct. literimut	75 kr. 00 øre.
9)	15,10-18,09 volumenpct. literimut	92 kr. 47 øre.
10)	18,10-22,09 volumenpct. literimut	118 kr. 60 øre.
11)	22,10-26,09 volumenpct. literimut	150 kr. 12 øre.
12)	26,10-30,09 volumenpct. literimut	184 kr. 26 øre.
13)	30,10-35,09 volumenpct. literimut	224 kr. 46 øre.
14)	35,10-45,09 volumenpct. literimut	289 kr. 21 øre.
15)	45,10-60,09 volumenpct. literimut	396 kr. 77 øre.
16)	60,10-100,00 volumenpct. literimut	472 kr. 97 øre.

§ 2. Akitsuut akilerneqassaaq atuineq ilutigalugu, tassa imaappoq nioqqutissat akitsuutip atuutsinneqannginnissaanik akuersissuteqarluni aqqissuussinermut ilaajunnaarpata. Nioqqutissat suliffeqarfimmi nioqqutissanik sanaffiusumi tuniniarneqarpata atorineqarpataluunniit, nioqqutissat naamassillugit tunisassiarineqarnerminni atorineqartutut isigineqassapput.

§ 3. Suliffeqarfiit nioqqutissanik akitsuusigassanik sanasut piginnittuusutut Akileraartarnermut Pisortaqarfimmi nalunaarsorneqassapput.

Imm. 2. Suliffeqarfiit nalunaarsorneqarsimasut akitsuummik atuutsitsinertaqanngitsumik nioqqutissanik akitsuusigassanik sanasinnaatitaallutillu uninngasuuteqarsinnaatitaapput.

§ 4. Init piginnittuusut nalunaarsorneqarsimasut nioqqutissanik akitsuusertinneqarsimannngitsunik sananerminnut, suliaqarnerminnut, maqitsinerminnut uninngasuuteqarnerminnullu atugaat

Akilerartarnermut Pisortaqarfimmit akuerineqarsimassapput.

Imm. 2. Init Akilerartarnermut Pisortaqarfiup § 14, imm. 1 naapertorlugu nakkutilliinissaanut naleqqutinngitsumik atorineqarpata aqqissugaappataluunniit, akuersissuteqarfigineqarneq nalunaarsortinnerlu atorunnaarsinneqarsinnaapput.

§ 5. Piffissaq akitsuuteqarfusoq tassaavoq qaammat.

§ 6. Piginnittuusut nalunaarsorneqarsimasut piffissami akitsuuteqarfusumi annertussuseq akitsuusigassaq naatsorsugassaat tassaavoq nioqqutissat akitsuusigassat suliffeqarfiup iniutaanit akuerisaasunit anninneqarsimasut annertussusiat, millissutaasimasut assigisaallu ilanngullugit.

Imm. 2. Naatsorsuineq maleruagassat Naalackersuisunit aalajangersarneqarsimasut naapertorlugit sukumiisumik suliarineqassaaq.

Imm. 3. Nioqqutissat akitsuusigassat annertussusiat qanoq angissusilerneqarnissaanut maleruagassat Naalackersuisunit aalajangersarneqarsinnaapput.

§ 7. Annertussutsimit akitsuusigassamit § 6, imm. 1 naapertorlugu naatsorsorneqartumit ilanngaatineqassapput:

- 1) nioqqutissat ikuallattoqarneratigut, erngartoqarneratigut assigisaatigulluunniit suliffeqarfimmi imaluunniit suliffeqarfimmut suliffeqarfimmiilluunniit assartorneqarnerminni annaaneqartut,
- 2) nioqqutissat utertinneqartut, aki akitsuummik ilaqartoq pisisumut utertinneqarpat,
- 3) nioqqutissat sumiiffinnut Kalaallit Nunaata avataaniittunut anninneqartut.

Imm. 2. Imm. 1 naapertorlugu ilanngaatineqarsinnaasut nakkutigineqarnissaannut malittarisassat Naalackersuisunit aalajangersarneqarsinnaapput.

§ 8. Piginnittuusut nalunaarsorsimasut nioqqutissanik akitsuusigassanik sananermut tunniussinermullu naatsorsuusiorassapput.

Imm. 2. Tamanna pillugu aalajangersakkat sukumiinerusut Naalackersuisunit aalajangersarneqassapput.

Imm. 3. Piginnittuusut nalunaarsorsimasut naatsorsuutitut tunngasut, matumani aamma fakturat, fakturat assilineri, tunniussinermi uppersaatit aamma naatsorsukkat, ukiup naatsorsuusiorfusup qaangiunnerata kingorna ukiuni 5-ini toqqortarissavaat.

§ 9. Piginnittuusut nalunaarsorsimasut qaammatit naaneri tamaasa, kingusinnerpaamillu piffissap akitsuuteqarfusup tulliata qaammatip 15-iani Akilerartarnermut Pisortaqarfimmut nalunaarutigisassavaat, nioqqutissat akitsuusigassat qanoq annertutiginerat, tak. §§ -it 6 aamma 7. Nalunaarut suliffeqarfiup akisussaalluni aqutsisuanit atsiorneqarsimassaaq.

Imm. 2. Nalunaarut piffissaliussap taaneqartup qaangiutinnginnerani tunniunneqanngippat Akilerartarnermut Pisortaqarfiup nalunaarsugaaneq, nalunaarutit tunniunneqanngitsup Akilerartarnermut Pisortaqarfimmit tiguneqarnissaata tungaanut atorunnaarsinnaavaa.

Imm. 3. Nalunaarut piffissaliussap taaneqartup qaangiutinnginnerani tunniunneqanngippat, akitsuutitut akiligassaq Akilerartarnermut Pisortaqarfiup missingersuinermit angissusilersinnaavaa.

Imm. 4. Naalackersuisut nalunaarut pillugu aalajangersagaliorsinnaapput.

§ 10. Piginnittuusut nalunaarsorsimasut piffissami akitsuuteqarfusumi akitsuut Akileraartarnermut Pisortaqarfimmut akilissavaat kingusinnerpaamik qaammatip, piffissap akitsuuteqarfusup tulliaata ulluisa 15-ianni.

Imm. 2. Akitsuut piffissaagallartillugu akilerneqanngippat, qaammatip akiliiffissap aallaqqaataaniit aallartittumik qaammatit aallartinneri tamaasa erniaq qaammammut 1 pct.-iusoq akilerneqartassaaq.

Imm. 3. Naalakkersuisut akitsuutip akilerneqarnissaa pillugu aalajangersagalorsinnaapput.

§ 11. Akileraartarnermut Pisortaqarfup piginnittuusooq nalunaarsorsimasooq akitsuummik piffissaagallartillugu akiliinngitsoq, piffissamik qaammammit ataatsimit sivikinnerusumik piffissalerlugu nalunaruteqaqqusinnaavaa.

Imm. 2. Aammattaaq Akileraartarnermut Pisortaqarfup piginnittuusooq nalunaarsorsimasooq akitsuummik piffissaagallartillugu akiliinngitsoq, piffissamik § 10-mi taaneqartumit sivikinnerusumik piffissalerlugu akiliinissamut piffissalersinnaavaa.

§ 12. Akitsuut akiligassanngorsimasooq akilerneqarfissami kingorna kingusinnerpaamik ullut 14-it qaangiunneranni akilerneqanngippat Akileraartarnermut Pisortaqarfup nalunaarsugaaneq, akitsuutit akiligassanngorsimasut akilerneqarserlugit arsaarinnissutigisinnaavaa.

Imm. 2. Piffissaq akitsuuteqarfusooq imaluunniit piffissaq akiliiffissaq § 11 naapertorlugu sivikillineqarsimappat nalunaarsugaaneq, piffissap akiliiffissap qaangiunneratigut ingerlaannaq arsaarinnissutigineqarsinnaavoq.

§ 13. Piginnittuusup nalunaarsorsimasup paasissutissanik eqqunngitsunik Akileraartarnermut Pisortaqarfimmut nalunaaruteqarsimanera, taamaalillunilu akitsuutitut akiliinikippallaarsimanera paasineqarpat aningaasat akiligassanngortut akileqquneqarneranniit kingusinnerpaamik ullut 14-it qaangiunneranni akilersinneqassapput.

Imm. 2. Akitsuutitut akiligassat annertussusiat naatsorsuutit tunngavigalugit naatsorsorneqarsinnaanngippat, akitsuutitut akiligassat Akileraartarnermut Pisortaqarfup missingersuinermit angissusilersinnaavai.

Imm. 3. Pisuni imm. 1-imiit 2-mut taaneqartuni akitsuutissaq piffissaagallartillugu akilerneqanngippat qaammatip, piginnittuusup nalunaarsorsimasup akiliiffissaata aallaqqaataaniit aallartittumik qaammatit aallartinneri tamaasa erniaq qaammammut 1 pct.-iusoq akilerneqartassaaq qaammatit aningaasat piginnittuusumit nalunaarsorsimasumit akilerneqarfissaaa aallaqqaataanniit qaammammoortumik ernialiusaq 1 pct.-iusoq akilerneqartassaaq.

§ 14. Akileraartarnermut Pisortaqarfik pisinnaatitaavoq suliffeqarfinni inatsimmi pineqartuni misissuinissamut aammalu suliffeqarfii nioqqtussaataannik, niuernerminni allattaaviinik, naatsorsuutaannut tunngasunik kiisalu allagarisarisarsimasaannik allagarisarsimasaannillu il.il. misissuinissamut.

Imm. 2. Suliffeqarfii piginnittui sulisorisaallu Akileraartarnermut Pisortaqarfup misissuinermit imm. 1-imi taaneqartumik ingerlatsinerani pisariaqarnera naapertorlugu ilitersuisussaapput ikiuuttussaallutillu.

Imm. 3. Pappialat imm. 1-imi taaneqartut Akileraartarnermut Pisortaqarfup piumasaqarneratigut tunniunneqassapput nassiunneqarlutilluunniit.

Imm. 4. Naatsorsuutit il.il. inummi pingajuusumiippata, taanna taakkuninnga tunniussaqaartussaataangikkaluaruniluunniit, taakkua Akileraartarnermut Pisortaqaarfimmut tunniutissavai, Akileraartarnermullu Pisortaqaarfup isumagisassaraa atorneqareerpata inummut pingajuusumut pineqartumut utertissallugit.

§ 15. Pisortat oqartussaasut peqquneqarnermikkut paasissutissat suulluunniit, suliffeqarfinnik inatsimmi pineqartunik nalunaarsuinissamut nakkutilliinissamullu atorneqartussat Akileraartarnermut Pisortaqaarfimmut nalunaarutigisassavaat.

Imm. 2. Politiit, maleruagassat Naalackersuisut justitsministereqarfiullu isumaqatigiinniarnersa kingorna aalajangersarneqarsimasut naapertorlugit Akileraartarnermut Pisortaqaarfimmut ikiuuttassapput.

§ 16. Nakkutilliinerit pillugit aalajangersakkat inatsisip atuutsinneqarneranut pisariaqartut allat Naalackersuisunit aalajangersarneqarsinnaapput.

§ 17. Naalackersuisut Akileraartarnermut Pisortaqaarfik inatsit manna naapertorlugu aalajangiisarnissamut piginnaatissinnaavaat. Aalajangiinerit naammagittaalliuutigineqarsinnaanerit pillugu maleruagassanik, matumani aamma aalajangiinerit allaffeqarfitsigut oqartussaasumut qaffasinnerusumut naammagittaalliuutigineqarsinnaannginnerat pillugu Naalackersuisut aalajangersaasinnaapput.

§ 18. Akileraartarnermut Pisortaqaarfup makku pillugit aalajangiineranik naammagittaalliuutit Skatterådip aalajangiiffigisassavai:

- 1) Nioqqutissat akitsuuteqartussaaneri pillugit.
- 2) Akitsuusigassat annertussusii pillugit aalajangiineq.
- 3) § 9, imm. 3 aamma § 13, imm. 2 aamma 3 naapertorlugit missingersuinikkut angissusiliineq.

Imm. 2. Skatterådip aalajangiineri, aalajangiinerup taassuma pineqartumut nalunaarutigineqarneraniit sap.ak. 4-t qaangiutsinnagit Kalaallit Nunaata Landsret-ianut siullertut suliaqartussamut ingerlateqqinneqarsinnaapput. Suliassiisutigineqartussat tassaapput Naalackersuisut.

§ 19. Kinaluunniit piaaraluneerluni mianersuaalliorujussuarluniluunniit iliuuseqartoq pineqaatissinneqarnikkut akiliisinneqassaaq:

- 1) paasissutissanik akitsuutinik nakkutilliinerimut atugassanik eqqunngitsunik paatsoorneqarsinnaasunilluunniit tunniussisoq imaluunniit paasissutissanik nipangiussisoq,
- 2) § 3, imm. 1-imik, § 6, imm. 1-imik, § 8, imm. 1-imik, § 9, imm. 1-imik, § 10, imm. 1-imik, § 14, imm. 2-mik 3-milluunniit unioqqutitsisoq,
- 3) § 11, imm. 1 naapertorlugu peqquneqarnermik malinninngitsoq,
- 4) nalunaarsorneqarnerup Akileraartarnermut Pisortaqaarfimmit § 9, imm. 2 imaluunniit § 12, imm. 1 aamma 2 naapertorlugit arsaarinnisutigineqareernerata kingorna ingerlatamik akitsuuteqarfusumik ingerlatsiinnartoq,
- 5) nioqqutissanik, inatsit manna naapertorlugu akitsuutaannik akilernerqarsimasussaagaluani akitsuuserneqarsimannngitsunilli tunniussisoq, pissarsisoq pisorluunniit.

Imm. 2. Inatsit manna naapertorlugu maleruagassiani aalajangersarneqarsinnaapput, maleruagassiani

aalajangersakkanik piaaraluneerluni mianersuaalliorujussuarluniluunniit unioqqutitsisup akiliisinneqarnissaa pillugu aalajangersakkat.

Imm. 3. Unioqqutitsinerit imm. 1-imi imaluunniit imm. 2-mi taaneqartut arlaat aktieselskabimit, anpartsselskabimit, andelsselskabimit, peqatigiiffimmit, ingerlatsivimmit imminut pigisumit, aningaasaateqarfimmit assigisaanilluunniit unioqqutitsineruppat, inatsisit malillugit inuttut isigineqarsinnaasoq taanna taamatut akiliisinneqarsinnaavoq.

Imm. 4. Akiliisitsissutit landskarsimut iluaqutissanngortinneqassapput.

§ 20. Naalakkersuisut, inatsimmi matumani aalajangersakkanik unioqqutitsisoq nalunaarfigisinnaavaat suliassaq eqqartuussinertaqanngitsumik naammassineqarsinnaasoq, unioqqutitsisup unioqqutitsisimanini nassuerutigippagu aammalu akiliisitsissut nalunaarummi allassimasoq piffissap aalajangersimasup, qinnuteqarnikkut sivitsorneqarsinnaasup iluani akilerumallugu piareersimappat.

Imm. 2. Nalunaarutiginninnermut, imm. 1-imi taaneqartumut atatillugu eqqartuussisarnermi inatsimmi aalajangersakkani unnerluutiginninnermut allassimasut atuutissapputaaq.

Imm. 3. Akiliisitsissut piffissaagallartillugu akilerneqarpat, aalajangiunneqareernermigulluunniit akilersinneqarpat suliaq malersoqqinneqassanngilaq.

§ 21. Inatsit ulloq 1. januar 2004-miit atortuulerpoq.

Namminersornerullutik Oqartussat, ulloq 11. december 2003

Hans Enoksen

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut